

卷之二

貢禮部玩齋集卷二

七言古詩

題伊尹耕莘圖

碧海畫沸白日淪禹鼎欲徙湯網
牛獨耕莘野雪有時仰面一長吁
吠畝克舜心忍看民生墮昏沉乾
作商家霖先農有詩亦有譜後世南陽詠梁父

段節婦吟

河可塞山可移志不可奪義不可虧
及笄上堂奉翁姑入室攜兩兒
昔如雙鴛鴦今日為孤雌昔如三春花今日成枯枝寒風



光緒戊子湖川陸
仁長絕短策行楚辭驅
心源捐送國子監
天漫風烈身居
坤闔係出處幡然起

吹短髮明月照空帷百年在世能幾時父兮母兮不我知
青天在上將誰欺

金谿縣葛烈女廟

金谿廟前草離離金谿廟中兩女兒青山猶似舊時色流
水不盡行人悲翠翹珠珥垂孔雀廟門深鎖藤華落靈風
蕭颯半空來髣髴音容啓珠箔憶昔里中初賦銀賦日
急家日貧父身榜掠痛欲絕女心憤結何由伸鬼狐夜號
天漆黑大冶騰火光烈可憐踴躍雙蛾眉變作兼金白
如雪君不見緹榮上書更肉刑木蘭遠赴可汗兵固知才
略過男子不如孝女英烈能捐生又不見湘妃江邊淚班
竹韓憑冢上連理木固知精誠可相召不如孝女感化獨

神速赤龍並駕參婣娟萬古日月懸中天人生雖死名不
死吁嗟丈夫應愧爾

送國字張教授

九鳥彈羽鰲斷足六龍飛光晝相逐何人造書泄機巧夜
夜天陰聞鬼哭岐山鳳遠科斗空弋鳥爰蟲漸湮伏太史
方垂鼎足金丞相已變釵頭玉下邳拘囚死復生三千晚
奏雲陽獄自從毛錐擅楷法今古紛踵遺躅天生真人
起北方更遣浮圖出身毒六書垂世盡諧聲八體彌文貴
句曲黃鐘大呂徒協和鉄畫銀鈎謾摹錄大音直與造化
同陰翕陽舒驗疏數先生典教元非輕直使昌言被殊俗
歸來繫馬在堂堦莫厭微官就羈束人生得志亦有時萬

里晴天貯黃鵠

黃河行

黃河水、闊無邊深無底其來不知幾萬里或云崑崙之
山出西紀元氣融結自茲始地維崩兮天柱折於是橫奔
逆激日夜流不已九功歌成四載止黃熊化作蒼龍尾雙
虹鑿斷海門開兩鄂薪、尚中峙盤渦盪激回湍衝射懸
崖飛沙斷岸決石瞬息而爭靡洪濤巨浪相喧颺怒聲不
住從天來初如雨軍戰方合飛礮忽下堅壁摧又如豐隆
起行雨鞭笞鉄騎驅奔雷半空澎湃落銀屋勢連渤海吞
淮瀆天吳九首兮魍魎獨足潛潭雨過老蛟吟明月夜照
鮪人哭扁舟側掛帆一幅滿耳蕭、鳥飛速徐邳千里半

日程轉盼青山小如粟吁嗟雄哉其水一石其泥數斗滔
滔汨、兮同宇宙之悠久汎中流以擊楫兮招群仙而揮
手好風兮東來酌河伯兮盃酒

題高麗李衆甫員外稼

三韓山前春草綠柘枝連村桑滿谷大牛飯罷礪雙角小
犢跳梁野如鹿夜來東原雨新足九扈向人催布穀畫省
郎官朱兩轂歸佐明王理藩服土膏初起如雪沃淺種深
耕貴勻熟豈獨勤身化殊俗要使扶餘皆菽粟新亭翼、
滄海濱手持酒肉親撫循鳴箏擊鼓更吹豳大田多黍高
過人車載輦負聲麟、甌婁汙耶錯雜陳露處有積居有
困鬱金煮酒旨已醇葵羹香飯調酸辛句驪唱歌田畯神

我有息矣供嘉賓醉來歌帽更迭舞韓娥拍手山月吐

為郭宗道祭酒題韓滉移居圖

田夫生長田間住辛苦移家向何處老牛帶犢驢引駒婦
姑騎過前村去牽衣裹兒囊在肩瓠壺瓦缶縣蒲韉一童
鬢髻隨左右兩髯偃樓相後先新來茆屋徒四壁東鄰西
鄰不相識種田未了主家租又恐官司着差役唐朝宰相
韓晉公念爾流離多困窮當時落筆豈無意正欲廊廟知
民風願得轉徙安居室周公亦曾作無逸

分題得蕪湖月送宋顯夫赴山南僉憲

蕪湖月碧天無風江似雪與君迢遞行相隨一似都門別
時節揚州覓得賣鹽船夜來泊向螺磯邊磯邊潮平人語

靜但見一鏡當空懸君心明白有如此光照荊州幾千里
郡曹隔岬俟新官識得繡衣前御史山南父老來勸酒前
日清光還在手

分題得姑蘇臺送吳元振赴江浙省左丞

姑蘇城外江水綠姑蘇臺是吳王築吳王燕罷越王來館
娃夜冷宮門開落花飛去春無迹江邊却起姑蘇驛馬頭
旌節何皇、候吏傳呼謁道傍孤山梅白堤柳黃相君入
坐中書堂

為紹興虎兒治中題畫魚

大魚跳波長數尺三十六鱗如列戟江湖浩蕩起烟雲宇
宙蒼茫變朝夕子英方騎一角蒼琴高忽跨雙尾赤中堂

玩齋集卷二
展玩風驟起猶恐神光化空碧

雪後會飲瑞應宮

蓬萊仙人厭煩熱掃盡炎埃為小屑乾坤滉漭寂無聲宇
宙糝糊氣方結初裁六出學春嬌漸疊重花妬霜烈陰風
忽起勢欲攪冷日全遮凍纒徹千門落絮亂棲鴉萬樹梨
花噤啼鴉穿簾入幕自織妍積戶堆窓更澄澈時從壁隙
印尖斜還向庭隅補虧缺篆文一一寄鵝群編帶雙雙繞
車轍重湖翻捲浪崔嵬曠野平堆山嶺嶮高屋風吹盡日
寒中堂月照通宵潔珊瑚色變琪樹開琅玕光射瓊芽茁
薄如鋪簟厚如茵園者為環斷者玦亭臺蝶化亂翩翩囀
洞獅成爭噬嚙党家金帳謾麈豪王子扁舟正竒絕始疑

瑤池會王母羽蓋雲輶擁旌節又疑廣寒會群姝徧舞霓
裳樂將闋幕中武君真可人載酒滿船邀我別東蒙道士
號疏放頭戴七星衣似鉄昨朝呼我山上飲錯認梅花醉
中折今晨又請出西門有似生駒脫羈紲龍團旋試坐盤
桓鶴氅輕披行蹙躡頃與燭龍飛太空萬家冰柱懸玲瓏
願將和氣先貧窮為歌幽雅祈年豐

寄聶高空隱居

盱江之水深且清朝流莫流繞盱城頭多青山羅列如
旗旌高空先生澹無營有園數畝屋數楹前當闌闔後林
麓不種桃花種松竹高十丈松百圍還來照我軒窓綠
先生黑髮今白頭坐閱七十春與秋架上書可觀床頭酒

可笏或巾車兮遠邁或散策兮近遊
麻姑壇前蓮變色華子岡頭月如玦
朝來兩仙人為我留秘訣石室探青霞
砂床拾紅雪長生大道無他求要知富貴
如雲浮千鍾粟萬戶侯飄忽真成水上漚
鳳凰不來黃鶴舉只今誰與先生侶
盱江上一釣絲好共閑鷗作賓主

題山水圖

前山後山雲亂起山脚入溪清見底
溪南更有山外山散如浮塵聚如米
老楓枯櫟葉紛々下有人家深閉門
釣絲欲收風浪急却回雙艇來籬根
老翁曳杖行偃僂一童負樵一童斧
筆端意度盡神妙卷裏衣冠自淳古
商周寂寞經幾秦後來莘渭寧無人
茫茫耕釣去不已武陵竟隔桃

花春

題江陰丘文中山水圖

老龍渴飲池中墨飛上半天成崩
崩雲烟著地凝不開白畫神驅太陰
黑筆端巧奪造化功咫尺峰巒千萬
重長林侶洒楓葉兩虛亭不動松花
風隔江更有山無數江上扁舟總半
渡他年白髮許重來為君別寫容城賦

題太醫家居仁萬竹軒

文江：上萬竿竹日莫天寒森似玉
仙人竹間結茅屋窓戶蕭々護深綠
天風忽捲篔簹谷坐看琅玕怒相觸
蒼龍起舞青鸞宿髣髴雲霄度仙曲
山中伊誰伴幽獨此君何人真不俗
杖策東林復西麓千載風流一時足
黃金鼎煉

丹砂熟白玉壺懸湛瓊醪野鹿御芝虎收穀長松吹花落
棋局便當乞取長生錄月下吹簫弄漪淥

子虛道人歌

吾聞涉海有蓬萊登陸有天台攢峰與絕壁萬仞高崔嵬
翠屏白石掛飛瀑赤城丹霞駐空谷子虛道人位其麓流
水桃花繞茅屋問之不笑亦不言却向青雲借黃鵠黃鵠
兮無迹青雲兮何極崇真宮中晝日寒一瓢作宇僅容膝
吁嗟兮子虛抱道兮不居呼牛應牛馬應馬謂仙非仙儒
非儒不騎任公之碧驢不跨東海之生駒不學汝南市上
懸一壺又不學葉令朔望飛雙鳧紫丸入口百病蘇邯鄲
枉記石室書邇來年六十頭髮點漆黑形軀類飆舉骨瘦

如鶴立腰纏一百錢即去買酒喫醉醒撐目忽大叫海天
漫漫山月碧許由巢父呼不得江南春水白鷗飛六幅新
蒲何日歸

書河上成安驛

扁舟落日成安驛前危檣密如篲岫高浪急不得前爭
先進寸復退尺須臾纜定心稍安獨據胡床坐深夕水邊
燈影正晶瑩陌上鈴聲還絡繹聽打鼓按官船又見驅
車送行客攬衣近前試問誰往來一日多數百中原征需
苦繁劇江南轉輸嚴督責况今使者類狼貪水陸解肥隨
口索致令編戶疲差役生計蕭條徒四壁已將弱女納官
錢更遣中男補丁額曩時河上幾人家今日飄零竟無迹

請君置此勿復言：罷空令愁思積幾點殘星散空碧船
頭別我東芴白

題太師贈吳學士墨竹

墨池飛出雙鳳凰青霞碧雲搖日光九重阿閣幾千尺如
聽羽節飛鏘：集賢學士瀛洲客朝回拾得連城璧便思
手把釣魚竿萬里江南秋水碧

題陳仲明所藏雙松圖

六丁驅雷山石裂垂龍角闢雙屈鉄太陰忽閃鱗甲開墨
池翻濺吳江雪阿誰挽之茅屋東萬里不斷笙竽風天台
石橋俱謾爾坐中別有蓬萊宮

次赤城驛

老夫辭家今一月馬上行：過冬節山空野曠風栗烈木
皮三尺吹欲裂貂帽狐裘冷如鉄癡雲作雪還未雪自是
天公念駕劣上高下高隨小職裏轡哦詩亦清絕人生何
苦事羈紲候吏來迎稍羅列入門登堂火微爇須臾凍解
通身熱

過浦城

浦城三百六十灘灘：巨石鳴飛湍四山欲雨風亂起霆
驅雪迸驚晝寒青竹縛蓬白木榜側坐歌眠任搖蕩潭深
墨黑蟠蛟螭壯士猶然懾精爽老大平生疏且愚安得涉
險同坦途形如健鶻膽如虎此心只與青天孚騰波寶劍
今在不夜、光芒燭牛斗

題揚元初理問送行詩卷

玉堂學士閔西楊當時長策動四方九鼎一筆絲綸光星
斗錯落成文章白首作史誇三長書成石室金匱藏翩然
拂袖辭帝旁十年歸卧衡與湘妖狐黠鼠爭陸梁芒角煌
煌橫撓槍阿玄昔日焚香囊祗今馬上能挽強虎皮裁鞍
騎驕驕龍泉之劍百寶裝萬夫披靡同驅羊既佐大將平
武昌鏖殺袁賊走潯陽旌旗蔽日浮餘艘大江東下孰敢
當耀兵桐汭勢愈張吳興嘉禾稍聚糧短衣一譟還錢唐
軍門捷書報天子遼海雲帆日千里宮牆馳道平似砥披
圖畫奏天顏喜左轄之功近無比賜以裘馬及弓矢錦袍
文犀鞞珠履涼州葡萄甘且美幙中元初名最躡黃金橫

帶官作理海若率職波不起百艘南還疾如駛吳山越山
青靡、大開中書聽宣旨十萬甲兵齊拜跪椎牛作炙膾
頽鯉一時光耀盛百禮玉堂仙人元不死吁嗟畫圖何所
似麟閣雲臺有如此

題二馬圖

鐵喙駟連錢駉何年墜影江水中蒲梢西來八尺龍天閑
十二為爾空五花雲錦吹東風

楊白花

楊白花無定止昨日宮中飛今朝渡江水江水茫茫千萬
里綿輕雪薄春旖旎把臂踏歌、未已石頭城邊風亂起
楊白花無定止

題上虞謝元公春暉堂

東海有母、有兒萬口一出稱孝慈兒在襁褓寒且飢母
 雖不言心自知兒大讀書又讀詩贈以長劍遠從師十年
 走客江水湄氣吞雲夢八九之星斗錯落文章奇神駒如
 龍來月支真珠作轡金作羈追風掣電不受騎便欲一蹴
 超天池天池瑤草淨如拭移得靈根種堂北阿母升堂日
 五色照見舞衣華翠織寸心有恨恩無極浩蕩春暉誰報
 得玉桃上壽兒侍側兒當作官五鼎食白髮如斯應再黑
 此時方知教兒力文昌星高輝南國

學圃吟

江邊乞地學種蔬周遭步量弓百餘十日去耕十日鋤耕

鋤未畢僕已痛東家倩人不受呼西家倩人納官租菜苗
 虫食且半枯昨朝許有今朝無出門抱甕空躊躇南隣老
 圃笑我迂共倚大樹立須臾手抱一卷神農書口稱此事
 焉可誣治土貴熟壅貴腴三犂兩耜工力俱燥濕得所避
 亢淤由不犂确堅已狃深畦淺壟畫成區四分井字旁通
 渠瀏々野水翻渴烏然後種藝皆榮敷寒暑按節順弗踰
 風和日媚雨露濡水菘山芥菠蔕苽韭黃薤白蔥菘蘇綠
 葵青藿華靚姝藻苻芹茆蘋蘩蕪瓜徙茭藕苔筍蒲蔓菁
 蘆菹連根株牡丹芍藥萼重趺茄房豆莢懸瓠壺紫薑紅
 蓼鬱雕胡玉延蹲鴟巧相扶皮毛脫送明珠長頸短脰
 膩理膚冰漿雪液如凝酥翠鱗銀甲虬髯鬚魁首肥顏施

丹朱琅玕琥珀鈎珊瑚鏡劇摘掇視密疎多盈筐箱少盈
裾削剥淹漬役膳奴甘醲蠶微薌味殊主真翼、賓于、
熟可羹芼生可咀適口絕勝羞仙厨子欲學圃不早圖只
今後時將何如列鼎肉食稱鄙夫魚膾日厭葷與魚請子
置之勿次且褒衣博帶歸爾儒吾計子食當晨晡家園自
足供所需余嗤翁言亦何愚翁實勤苦少暇娛白鬚黑面
形瘠癯曠即胼胝汗輓轡滂即腰脛沒垢汙矧茲惡莖與
苦荼加以臭蒜雜穢葇邪蒿濁菹蕪滑揄多食嘔泄神志
瘳得失往、如瑕瑜西伯愛歎垂聖謨太官專膳國以墟
曾曾嗜棗宣尼徒亦有請學讖樊須孤竹採薇終餓殂屈
到好艾竟離居元亮隱菊多令譽諸葛元脩名豈虛陶家

蠶瓮庾家菹黃金不聘蘇東湖是非榮辱理不渝世間萬
物皆乘除翁言固辨亦過諛隣家有酒且共沽醉酣仰面
一長吁忽見黃鵠翔天衢

當塗李伯羽母夫人貞節詩

碧天夜落星如雪甲士長弓射孤月孤月照孤城千鈞懸
一髮娉婷女兒方及笄誓將死節愧當時頸血不污春花
枝夫家桑梓青陰垂生子伯仲好羽儀青山之名天下知
誰其作銘吳太史蛟龍筆底烟雲紫古來賢母有如此

秦郵露筋廟

飛蚊撒天連白草落日荒原泣姑嫂、留旁舍姑獨行花
顏夜委長淮道亂聲鼓翅腹正飢利嘴嗜膚血方飽妄行

豈不念辛苦死重如山生似羽欲識當年一寸心廟前老
樹啼春雨

吳中曲送楊伯幾南遊

鯉魚風起波紋綠枯葭折蘆啼寒玉榜聲催曉渡江心鷁
聽吳娃舊時曲楊郎年少輕別離三尺光芒練帶垂虎丘
山頭候月出靈巖洞口看雲飛梅花雪點身上衣慈母倚
門聽馬歸

送左祥卿之香山縣尹

九星排玉雙門開抱旗石鼓青嵬帝子城頭跨龍去仙
人海上騎羊來禺南燕北天萬里五月河邊青雀起鷗鷺
膏暖射晴虹海月光寒烟明水宓子琴中化易成吟得新

詩字：清馬立堦前待衙退刺桐花裏鷓鴣鳴

送王士鳳之龍泉縣北鄉巡檢

豹囊攷弓鳴鏑懸白玉為玦鉤重弦雙魚倒勒躍如電山
人爭識將軍面將軍傳令出白斜桴鼓無聲衆不譁前村
草長黃犢飽四封寂多桑麻三年最書還北向當日賢
侯在天上腰間寶劍重提攜新恩却賜龍泉歸

送刁萬戶奏事回蜀

肉髻騎馬來青城朱英畫戟擁朝京溪子二石霜月盈魚
腸三尺秋水橫九門洞開論五兵却賜龍章歸柳營雄威
纔發貌虎騰猛氣已使豺狼驚杏花春雨別行旌兩玉舟
深猩血盛太白連雲萬里程夕陽到處聽鶻聲

送涇王府蒲司馬西還

重弓滿引鳴鏑和翻身躍馬渡長河日高射獵王半醉軍
中司馬功最多白狼西來獻天子腰間玉龍鱗甲紫寶書
絨奏動宸京黃封御酒貺邊庭弦蒲汭鞠幾千里芳草萋
萋春似水鳥聲山色不勝情枚生作賦才難比

送鄭伴讀歸省山東

綠烟曉發扶光遲畫橋鳴鴉度低枝即君恰：燕山歸仙
人笑迎兒女隨手攜松杖高過眉雙舟滿注堂上危五色
戲着囊中衣香雪飄：吐盤螭風吹兩脚沸朱絲黃花醉
飲秋正宜況今太平天子時

送張介臣伴讀歸省濟南

白天迷濛日脚消雪花散亂風飄蕭重裘着體如壓鉄呼
酒不來寒正驕東風匹馬去千里仰視王屋當雲霄到家
方慰母心喜入門更聽兒啼嬌華燈夜照舞衣熱彷彿鳴
鳳和笙簫暗黃着柳垂長條虎闌春信趣還鑪一杯遲子
城南橋

送友人赴陝西作縣

角聲吹起滿城雪北風蕭：嘶小驥銀瓶細溜蒲萄熟三
疊歌殘人欲別長安西去山嵯峨野曠春濃詩思多縣深
花拂琴絲和小吏呼籌衙又過莫忘都門送時節楊柳枝
寒不堪折

輓陳堯

玩齋集卷之二
克草廬吳先生門人也。有俊才，卒年十八。其妻亦痛哭而絕。

垂舟沃酒魚口熱，小袖菜衣雙鳳結。
春歸白玉不禁寒，雪兔西沉半山缺。
望夫化去孤石裂，死與韓憑誓同穴。
鬼狐寒食上新丘，陰風自掃梨花雪。

上元送別

越王城中燈火明，卽君早發越王城。
春酒一壺歌一曲，楊柳風吹波面綠。

閔山月送殷文學還浙西

白波洶湧風初起，綠烟漸墮水壺裏。
林鳥沙鷗寒不棲，萬頃玻璃淨如水。
攬衣推戶仰視天，一寸鄉心幾千里。
僕夫

在門嚴戒程宵人，呼籌催罷更街頭。
蕭蕭馬初過城中角，鷄亂鳴嗟哉我亦天涯客。
握手欲別難為情，遙憐後夜相思處。
楓葉滄江一舸輕。

送歸彥溫赴河西廉使

賀蘭山前河水西，金沙路平香草齊。
綉衣玉節往問俗，駉馬頽影時驕嘶。
當年長身多意氣，拔劍歌呼人半醉。
只今太平七十年，盡把英豪化仁義。
甘州枸杞紅玉重，涼州葡萄醬滿甕。
九重有詔趨還朝，莫惜馳囊少分送。

貢禮部玩齋集卷之三

五言律詩

冬至

子月先三正初陽動六虛氣從温室候雲向曉臺書自許
心猶壯誰嗤髮已疎乾坤萬里客何計樂樵漁

太平三山值風

天塹東南地長江日夜流大風吹水立驟雨挾山浮浩蕩
掀黃鵠歌傾舞白鷗莫憐舟似葉此亦壯哉遊

蕪湖

昨日何處別今朝此地留青山逼岼起白水湍江流雨隱
巡鹽鼓風腥掛網舟何時歌款乃同買綠簑遊

遊麻姑萬松菴二首

秋日訪招提雲深處、迷殿門松影直庭檻藥苗齊接竹
通流水編籬護野畦道人偏愛客留得樹頭梨
積雨變秋思清游愜道心過橋分履迹問寺逐鍾音紅墮
鳥爭果綠深魚占陰何當脫塵鞅重此契幽尋

贈方外間人

白日青天外壺中別有春江湖萬里客宇宙一間人採藥
雲歸袖看花月滿身何時重會面醉拂布袍塵

遊江陰君山

孤嶂臨滄海千山湧大江遠帆歸市獨高塔倒波雙鷗鷺
爭洲淑蛟龍怒石砭壯游心未已飛雨灑樓牕

遊許墅龍華寺

偶到龍華寺因同半日留禪林將結夏客路尚如秋衆樹
綠偏靜一花紅更幽最憐高岫柳容易繫行舟

遊虎丘

海上地偏勝吳中山更奇畫圖雲洶涌冠佩石叅差花落
談經坐苔封試劍池倚闌烟水濶千載一鷓夷

聽雨堂為周叔量賦

聽雨高堂上君家好弟兄樹深催暮色竹密助秋聲列坐
情方遠連床夢屢驚却憐江海闊鴻鴈每孤征

題韓與玉所藏春山行旅圖

乾坤春浩蕩江海日舒徐孤客千山騎雙童一篋書桃花

溪口渡松葉嶺頭居何日西湖上從君晚結廬

台州寄楊子秀

路轉千峰合溪通一帶斜飯炊黃渡雪酒染赤城霞未訪
仙人宅先尋博士家近聞歸隱處盡種碧桃花

興化湄洲島祠天妃還二首

清朝嚴典禮宣閣遣詞臣衣帶天邊雪花逢海上春稍能
更祀事亦足慰疲民萬里行方遠朝來更問津

夜宿吳山上朝行莆海東地偏元少雪天濶自多風不見
波濤險寧知造化功百年神女廟長護海霞紅

題程以文竹雨山房二首

山人愛種竹、高上雲端屋近琅玕濶林深翡翠寒好栽

鳴鳳管莫截釣魚竿白髮相鄰處時、一問安

天上春雷起山中夜雨過林聲遙帶瀑池影淨生波對坐

此君獨迎門稚子多何時深翠裏擊節共長哦

梁山灤

涼雨忽飛過濕雲猶湧來渚花紅陣、汀樹綠堆、一鶴
搏空起雙鳧觸浪開梁山非舊俗禾黍滿高臺

東昌次孟景章韵

溪滑魚苔淺沙柔馬蘭長一鷗當水浴雙燕背人翔客路
頻看月征帆尚帶霜灣、見花柳回首重思鄉

送陳子敬赴南昌尉

送君南作尉黃綬去翩、縣倚邊江郡花迎上水船自憐

官主印人喜吏如仙定見雙鴻鹄飛來御史前

送國子伴讀張德貞歸湖南

薊北湖南路孤舟萬里程晴天黃鵠健春水白鷗輕芳草
歸時恨開花別後情定知袍笏貴不似綵衣榮

南城監試和同院張進遠韻

清朝隆禮治仙館策賢良冠冕山河大文章日月光九閔
嚴虎豹千仞下鸞鳳此日橋門盛何論漢與唐

送李盤野

秋水芙蓉岫孤帆天上歸青山四面起白鴈數行飛里父
供新釀家人澣舊衣封侯定何事且理釣魚磯

題劉子明西雲亭

野樹偏宜晚江花欲變秋幌明霞散綺簾暗月沉鉤解補
青山闕還生白髮愁何時作霖雨却共水東流

送國子生哲德明歸淮西覲省

落日青山外西風白鴈邊幾人同飲酒一客自開船江蟹
經霜美淮魚出水鮮遙知到家日白髮語燈前

送華以愚南歸

禁城秋雨後奈此薄寒何江上書來少吳中客去多莫帆
依橋袖展爨就蒲荷遙想歸榮處鄉人日醉過
分題得獲麟堆送李伯貞庶使往山東

送蒙古彭教授往高州

以下共三首
以韻選較補

萬里高州路憐君此日行
藤陰頻駐馬榕葉亂嗚鶯
人到烏蠻異官同博士
清定知江海殊俗盡諧聲

赤城

山近雲連驛沙虛雪擁村
瓠壺縣穀種土銜爨柴根
凍雀來依幔晨雞立傍門
客中甘澹泊不必問盤飧

題黃觀瀾卷

碧天看不盡滄海去無邊
氣湧風雷動光涵日月縣
奇文方浩瀚餘景尚猗漣
好種珊瑚樹他年繫釣船

青雲慚故友白髮感新知
最好南山石相看可樂飢
日移棋局晚山落酒盃
寒欄蝶穿花濕窻禽飲
硯乾夢魂空宛句音問
阻長干多病文園客
秋來強自安

春晚書懷二首

東吳喪亂後消息竟何如
日望平安信空傳報捷書
壯心徒感激老淚獨歔歔
坐對垂楊晚行人江上踈

江黑雨將至水高潮正來花隨雨岫別鷗逐片帆開世治
逢多難吾生愧不才飄零添白髮見者莫驚猜

寄靜庵上人

細雨桐花晚微風麥氣秋王符偏好學宋玉不勝愁世事
同蕉鹿人心類棘猴何時虎溪上還共遠公遊

憶姪景二首

相望亦何遠夢中頻見之干戈連數歲書問動經時寂寞
揚雄賦飄零杜甫詩江東春樹綠偏重阿咸思
自汝南臺去樓遲雨見春鼓鼙江上月烽火海邊塵衰病
全非昔傳聞總不真近知更大將旗幟一時新

憶吳會草堂芭蕉寄汪仲恭

別後芭蕉樹青：定長成月移窓上影雨送枕邊聲愛惜
煩吾友飄零愧此生更需花實大同飲露華清

和馬仲舉立秋韵二首

酒盡青山莫書從白鴈過長風斷疏雨缺月掛明河故國
逢人少新秋到客多不知滄海上何日罷干戈
一向城東住荒涼客少過疾雷時送雨陋巷忽成河自許
丹心在誰嗤白髮多平生二三策可是勝橫戈

題朱質夫東塾草堂

幽人海昌住草屋向村墟擊竹頻呼鶴分泉謾種魚梨花
春巷冷榆葉夜窓虛細雨篝燈火匡床正讀書

題與屯秋江墨蹟

滄江渺何許歲晚正愁予密諫囊無橐閒吟卷有書青天
來鶯鷺秋水照芙蓉風致今誰似令人憶使車

贈李可度

當年丞相掾孤劍泊天涯白日懸心事青春老髮華定憐
鴻有路終愧燕無家志士須聞道人情付落花

赴京道中

風雨新河口孤舟此日行送多親友義別見弟兄情路識
春山熟洲迷雪水生臨岐重回首一鴈起江城

茅市簡友人

顧我行方遠憐君意倍親雪蓬依渡口雨笠待河濱酒熟
還留飲詩成不厭貧相期重下馬花柳隔年春

贈張士方

昔年東海上曾共綉衣行小吏銜冤久分司用法平江沙
清可數海月晦還生陰德今誰似于公有令名

以拄杖贈程以文先生

海上枕榔樹殷勤舉一枝功能扶正直力可濟顛危文玉
膚生潤玄犀質換奇何時同野服江海遠相期

茂上人古木圖

老龍起聽法斲骨在空山雲迫青天濶風來白日閑曲身
雖偃蹇直氣自孱顏株坐誰偏似禪歸晝掩關

鷓鴣窩驛

鷓鴣入雲去空巖遺舊窩冷烟迎日少晴雪背陰多擾

群鳥集蕭、數騎過此時孤館客歸思竟如何

洪棧驛

萬壑從東下群峰向北圍牛車絙水去驢馱負薪歸隙日
斜窺戶尖風直透衣羈懷正無賴一鷄向南飛

王元吉蘿月山房

每愛城南宅空庭坐夜分陰垂青裊、光漏白紛、卷幔
飄花露開尊度碧雲何時塞薜荔猿鶴與同群

毅上人蒲室

上人蒲作室絕似睦州禪父母今誰養弟兄惟汝賢齋房
連紫竹佛座擁紅蓮明日長蘆去春江正拍天

許光遠先世讀書樓

高樓當海上有客正看書門對千峰暝闌回萬象虛榜聲
飛宿鳥燈影避潛魚留得題詩在諸孫更卜居

會稽韓道士滄洲

風雨四山至空江生早寒白鷗秋水上海鵠莫雲端杜若
人移棹蓬萊客倚闌何時分一曲同把釣魚竿

貢禮部玩齋集卷之三終

貢禮部玩齋集卷之四

七言律詩

和石田馬學士殿試後韻

丁卯歲學士與先君同為讀卷官在院倡和甚多此則放榜後所作韻也

春風馳道入宮牆青瑣深沉引夕郎
草染綠波生太液花扶紅日上披香
聲名已重千金璧恩寵方隆七寶牀
治世斯文今極盛九天星斗自成章

送賈有恒赴潞城縣令

上黨人參五葉齊
郎君今日馬行西
滿溪藍水魚初上
繞縣青山鷺亂啼
小吏報籌衙欲退
長官封印手還題
洛陽

自古多才思好賦新詩寫赫蹏

送陳太祝使江浙收禮器樂書二首

天子齊明奉宗廟容臺祇飭備儀章雲雷出地雕彞鼎日
月懸天畫衮裳駟騎畫停山木蔭船窓風度水花涼過家
莫醉紅樓月上國迴鸞欲禘嘗

六月樓船泛御河太平樂譜自編摩鳳鳴嶰谷曾吹律馬
出蒲稍更作歌古尺要將諸部定新聲還用四清和器成
早入神庭奏人頌明時瑞應多

壽巖：子山學士

上林春滿樹蒼々別殿新頌外國香龍虎風雲依日馭斗
牛河漢列天章瀛洲勅賜黃金榜學士名高白玉堂千載

太平今有在文昌高映紫微光

崇真宮醮罷勅畫吳宗師像

海日曛曩照九衢霓旌霞旆擁高居尚方勅畫仙官像中
使傳宣學士書劔氣朝寒垂白練丹光夜暖出紅蕖石壇
醮罷清如水猶聽松陰起步虛

贈盧醫

豫章盧斌好遠遊落魄燕臺今白頭酒家不識灤都尉女
子迺知韓伯休天茄結實庭戶晚山藥作花籬落秋投老
欲歸尋舊隱忽騎孤鶴過揚州

畫馬

漢家旌節渡流沙奪得戎王鐵喙駟天上白魚秋弄影月

中玄兔夜生花九圖妙入將軍筆八駿神空阿母家獨控
奚官更超絕長秋錦隊謾如霞

送黎兵胡萬戶南還

將軍仗策去安邊詔下東南萬里天雲海旌麾趨玉帳春
江鼓角載樓船黎人滿溜檣柳水蜚戶齊分牡礪田遙想
軍中無一事坐驅千騎獵平川

送陶翁歸豫章

秋雨初晴穉極香蟹紅魚白憶江鄉十年客枕鷄聲月千
里歸帆鴈背霜入室親朋羅酒饌上堂兒女挽衣裳逢人
莫說京華事漢署今無白髮郎

費秀才進所著春秋歸

雲滿青山雪滿頭一生辛苦著春秋抱書不向公車獻遣
使須煩謁者求翁子行年當富貴虞卿終老豈窮愁玉盃
繁露應非舊更請先生為校讐

送壽弘毅應奉赴興國路經歷

院門深鎖落松花東接蓬萊小海斜絳蠟夜深催視草紫
泥春早聽宣麻鳳皇池上人辭直鴻鴈江南客過家幙府
秋來清似水吟詩應對白鷗沙

次泗安光上人韻是日聞有供奉之除

水氣朝寒生白烟寺前楊柳繫吳船佛燈紅映流蘇座僧
榻青裁海艾氈書報誤叨金馬召厨空應愧木魚懸定知
別後相思處楓葉蘆花宛句邊

天壽節日大明宮朝罷口占東張約中博士
金門珠箔轉迴廊文武分班有舊章花露重沾腰珮濕松
風輕度鬢絲涼仗隨騏驎通朝貢盃進夔龍祝壽康最喜
大常張博士清標如雪照鵷行

江浙獻嘉禾賀丞相朶公

玉燭金穰屬化鈞九農和氣洽深仁靈根獨占山河秀穎
粒先迴宇宙春天上畫圖方入貢江南簫鼓正迎神作書
願紀成周治慙愧無才備史臣

南城試院和張仲舉博士

紅燭搖光坐夜分學宮魚鑰鎖重門歸心已逐南湖鴈壯
志空慚北海鯤旁几香添霜漸冷隔簾燈過月微昏校文

歸向西曹日會送夔龍謁至尊

送林希元應奉赴上虞縣尹

居庸雪消河水深南行賴有買舟金相如多病因能賦東
野長貧為苦吟已許姓名辭鳳闕更傳聲價到鷄林白頭
作縣臨東海誰識先生去住心

送余廷季赴海東僉憲

綠髮相從白髮生都門握手倍多情論交豈少新朋友對
酒何如老弟兄玉節綉衣江上騎苑花宮柳日邊鸞使星
一夜移東海定遣文章到兩京

試院和周伯溫待制韵

群仙盛集瀛洲館丹鼎夫容徹夜開斗下璿魁聯外府坐

間珠唾落中台黃封酒醉賓筵散絳蠟紗籠佩馬迴禮樂
光華當此日九重側席正需才

送蘇伯脩侍郎赴淮東廉使

黃金臺上受新恩還向長陽謁至尊行殿晚寒頌玉節驛
亭春暖簇朱幡青蒲葉短烟波闊黃柳枝長雪水渾別後
新詩好相寄廣陵冠蓋接都門

送吏部郎中王可表出守棣州

別殿春深奏選歸雙旌新賜出王畿齊東山水開船近天
上星辰聽履稀竹馬總來迎使節金魚猶似掛朝衣遙知
宸政還車日定草封章謁紫薇

題張真人父一間堂

真人騎鶴下蓬萊詔許諸孫次第來玉佩春隨黃道轉綠
章夜並紫雲開香分別殿傳中使書賜名山映上台還向
仙都拜家慶碧桃千樹擁霞杯

送周舍人赴山南宣慰司照磨

紫衣袖窄金圍重花底傳呼出殿遲欲向新年開幕府還
思舊日進朝儀雪寒淮水魚方出歲晚江陵橘尚垂料得
中朝盡知己重來應是不多時

送篤敬夫赴南臺御史

御街初日柳梢紅鷹角新冠出禁中天上使華恩詔密江
南民瘼奏書通九霄風送孤飛鷲萬里雲隨一騎驄欲把
真心酬聖主青松多種石臺東

題四川張萬戶夫人貞節卷

白帝樓前巷陌深將軍旌旆正沉沉
玉簫聲斷孤鸞曲綠綺絃空別鶴吟
豈是平生輕一羽要知妾死重千金
春風冢上連枝樹只有韓憑會此心

贈仙居散人

青山四面玉嵯峩中有山人隱薜蘿
細雨閒門芳草滿微風深澗落花多
童窺丹竈時驚鶴客寫黃庭欲換鵝
我亦平生愛疎散春來應許謝朝珂

送道士王仲遠還江州玄妙觀就東李于威太守

羽節參差佩陸離蓬萊坊裏日偏遲
花邊奏簡雙鸞至松下携琴一鶴隨
白日常過燕市飯青春忽動庾樓思
江州

太守吾知己為說年來鬢已絲

送大都路陳學錄使往江浙造祭器雅樂

世祖投戈事籩豆素王宮殿在南城
百年禮樂當今日一代文章寄此行
潞水朝寒初過鴈浙江春晚尚啼鶯
還鄉莫為尊鱸遲祀典由來重兩京

送呂師賢赴山北憲史

月白微沉曙色紅憐君書劍別匆匆
臺高日望群鳥北海閣雲隨一鶴東
俗古尚遺箕子教官清還慕伯夷風
遙知六轡巡行處馬上看山日不同

送東流葉縣尹

江流東下縣南遷一簇人烟野听邊
荻笋洲青鷗鳥狎揚

花浪白鱗魚鮮印未聚吏排衙鼓社到隨民出俸錢應是
綉衣行部處攔街齊頌長官賢

壽吳宗師

帝遣真仙位上卿五城迢遞接蓬瀛雲浮紫氣旌幢潤日
射紅光劍佩明池館晝閑教鶴舞江湖歲晚結鷗盟軒轅
曾訪長生術應信崆峒有廣成

贈毛季祥還江南

白面書生江漢客幾年琴劍落京華聞鷄曾度居庸雪立
馬還看上苑花楊柳枝長方去國薜蘿葉短已還家遙知
綵袖娛親處酒暈微生兩臉霞

送安南使者黎括省之

四海光華明主德萬方奔走遠臣心來依北斗朝闈闔歸
逐南流過鬱林椰子酒酣歌蹋刺桐花落馬駸遙知
下國郊迎日首啓金函播玉音

送舒亦誠南歸

芳草生庭履跡稀棠梨花落燕交飛題詩忽報客將去出
戶却知春已歸天上雲開黃鵠健江南水長白魚肥人生
最是閒中樂早晚相從賦式微

送黃子中南還

雪風吹寒春尚遲暗黃恰上楊柳枝東門立馬旋沽酒南
浦停舟還賦詩去路間關須約伴到家歡喜總忘疲相如
自是多才思未必閒居兩鬢絲

廣微天師祈雪有應詩以美之

九枝燈照碧壇空
龍虎旗高滿殿風
綠簡夜深朝玉陛
素幢春淺拂珠宮
一天凍色星河合
萬里冰華陸海同
明日內家應錫宴
綵符爭取綴釵蟲

送王彬叔赴淮西憲史

黃金築臺高嵯峨
抱犢憐君日
過丹鳳
啣書辭
莫闕白
魚供酒過淮河
京華遠去交游少
幙府新來贊畫多
料得聲名從此起
分司行處聽民歌

送連子奇歸隱贛州

薊門風冷白鵝來
萬里孤舟一日開
去路定過彭澤縣
到家重上鬱孤臺
煮茶林下收黃葉
理釣磯邊掃綠苔
太史

明朝占處士少微
依舊傍三台

送馬叔敬赴江西醫學提舉

柳花飛盡綠陰多
萬里歸船發御河
自嘆官閒無客到
却憐君去有誰過
舟成海上收瑤草
酒熟江南醉碧荷
何日定將醫國手
為民談笑起沉疴

送黃季亨赴永嘉松山巡檢

萬里船開直到門
江南楊柳雪紛紛
馬前士卒爭誇武
坐上將軍喜論文
夜月村深宜紡績
春風海熟稱耕耘
舊時逸少曾遊處
綠水青山帶夕曛

題河間榮溥孝義堂

溥嘗事哈散丞相
既被罪眾皆散溥
獨收尸以

葬後又白其寃得復封爵今溥官亦至四品云
丞相門前客如市一落陷阱烟塵空解衣哭尸壯士志吞
炭報主前人風氣摧青山作平地精貫白日成長虹當時
富貴不復見惟有節義垂無窮

上都詐馬大燕五首

紫雲扶日上璇題萬騎來朝隊仗齊織翠轡長攢孔雀鏤
金鞍重嵌文犀行迎御輦爭先避立近天墀不敢嘶十二
街頭人聚看傳言丞相過沙堤
樓閣別殿擁仙曹寶蓋沉々御座高丹鳳銜珠裝駉裏玉
龍蟠甕注葡萄百年典禮威儀盛一代衣冠意氣豪中使
傳宣捲珠箔日華偏照鬱金袍

卿雲弄彩日重暉一色金沙接翠微野韭露肥黃鼠出地
椒風軟白翎飛水精殿上開珠扇雲母屏中見袞衣走馬
何人偏醉甚錦鞬賜得海青歸

簫韶九奏南風起沙燕高低撲繡簾醞醑酒多杯迭進鷓
鴒香少火重添舊分宮錦緣衣禡新賜奩珠簇帽簷日午
大官供異味金盤更換水晶鹽
清涼上國勝瑤池四海梯航燕一時豈謂朝廷誇盛大要
同民物樂雍熙當筵受几存周禮拔劍論功陋漢儀此日
從官多獻賦何人為誦武公詩

過柳河

野曠山寒露易霜短榆疎柳路茫茫雨來黃潦聚成海風

過白沙堆作岡驛館到時逢數騎馳車宿處錯群羊客懷
政爾無聊賴忽見南飛鴈一行

將干嶺

病體朝來正苦寒驛程又報度將干出門莫怪山谿險到
嶺不知天地寬鶴背旋風欺客帽馬頭飛雪點征鞍此中
自是真仙境何用吹笙駕玉鸞

榆林有感

老夫白髮已如許山後馳驅動數年正為貧民均馬政何
嫌富戶倍車錢人生要在心無愧物論難齊理自然欲盡
微忠報明主簡書深夜手重編

送上都吳學錄歸河東就試

驅車直渡灤河水千里青山半月程自信文章當世用人
言書劍到家榮上林久已稱司馬宣室終須召賈生料得
鳳池春色滿柳陰立馬共聽鶯

上京和周伯溫御史韻

漢室論功誰最多封侯第一是蕭何從知將相元無種却
笑神仙亦有魔映月蠹魚成脉望倚風飛燕避淘河憑闌
欲說行藏事萬里長空碧似磨

挽李千戶

灤陽草色易黃昏忽報將軍號令新落日青山移石壘西
風白野動邊塵雙弓直挫三千士一劍長先五百人太史
已書忠孝節佇看高塚卧麒麟

榆林道中

兩行官柳夾長隄，縷縷青絲拂面齊。
馬上睡來渾似醉，客中詩就却忘題。
一天煩暑都成雨，百里平沙不作泥。
自笑微臣頻扈從，年年載筆度山溪。

興安道中

萬重山後人行路，五百年前古戰場。
落日枌榆接鷄犬，秋風禾黍沒牛羊。
自逢治化躋堯舜，誰論封疆過漢唐。
慙愧小臣無補報，清時白髮許徜徉。

寄王魯川推官

公庭草綠訟聲稀，時見雙蝶飛曹吏。
盡隨衙鼓散，理官獨抱獄書歸。
曾同太守行紅旆，更與高僧別翠微。
近報

南臺多辟薦殿前，早晚賜朝衣。

送胡斯文辟南臺掾

鳳皇臺下水東流，潮去潮來白石頭。
細雨一帆人到听，清風兩袖客登樓。
幕開江上紅蓮日，書寄山中碧樹秋。
珍重此行多意氣，繡衣玉節定重游。

送倪秀才從學維揚

日：南風吹水立掛帆，棹鼓下舲艫。
青山落酒到听明，月照書還倚窓。
文章少年誰第一，才華近日子無雙。
綵衣在篋須頻着，歲晚還時鶴過江。

送孟景章赴廬州判官

先帝初開太禧院，一時郎吏盡瓌奇。
名高闕下心如鐵，官

到淮南鬢已絲月照寒庭空視牘雲開秋興偶成詩舊遊
天上多相憶早折梅花寄所思

送友人還錢唐

海門飛雪涌潮頭萬里乘風起壯遊隔岸爭呼揚柳渡到
家先買浙江樓才高班馬非無賦世治蘇張似少謀賴有
玉堂知己在人生何必定封侯

送宋仁甫赴池州陰陽教授

北風吹雪路漫漫萬里荆門客正寒自愛青衫同博士也
勝白髮老長安城南款段此時別江上芙蓉到日看我亦
春來買舟去九華絕頂望揚瀾

贈日者范竹友

溪流繞屋綠如苔箇箇琅玕手自栽勁節久宜君子號清
懷近為故人開夜窓風雨驚龍起秋谷烟霞待鶴來誰似
丹陽袁太守時時車騎一裴回

送吳師禮赴池州直學

大江西下九華東古殿重扉鎖學宮載酒滿船歌白苧題
詩送客憶青楓蒲蓮歲熟倉箱實鹿豕秋肥俎豆豐遙想
郡齋多暇日壺觴時在翠微中

題括蒼潘照磨具慶堂

十年孤客三尺劍七袞雙親萬里家江上離歌催疊雪山
中壽酒酌流霞登堂白髮同鳩杖繞徑紅顏共鹿車莫羨
飛丹似霜雪括蒼崑畔有松花

送徐復初辟掾南臺

闔閭城外望金陵千里江流一帶青
桃葉風生催客渡杏花雨過別郵亭
黃金臺上書方到采石磯邊酒卻醒
應是紀綱多暇日綠陰清晝坐閒庭

芝庭為吳中靈子文賦

斜闌曲檻護春晴五色金花照眼明
南極星低凝瑞采東吳雲近結華英
封書欲跨青鸞奏上壽還隨白鹿行
謝氏諸郎才摠俊唯應幻度最知名

送醫士王安重

滿天風露氣蒼蒼十二臺高桂子香
白兔夜寒分玉臼紅蓮春暖長沙床
上醫名就眩三折大藥功成視一方
海上

謾傳水五色長生元不遠昌陽

贈寫神鏡塘上人歸京口

鶴翎風動碧天涼寶月新凝百鍊霜
水面散成千種影波心元只一輪光
玉簪道士來空空金粟維摩現上方
此去要觀真法相却收畫本過維揚

別周鍊師雲臺真館

二十八將已仙去真館有臺名偶同
白鶴千年來故國青山萬疊起神宮
有時採藥幽澗底無事種花深谷中
昨夜曾携龍虎出一壇明月滿旗風

送周希元高士歸廬山

萬里江湖第一閑波濤洶涌接廬山
九華雲度青天閣五

老峰迴白日間鍊藥房中猿候火散花壇上鶴隨班何時
倚棹清溪曲一笑相從覓大還

送韓執中還錢唐

萬里長江風浪多拂衣長別意如何獻書賈誼非無術決
策揚雄自有科羽檄定逢河上捷畫船還聽越中歌何時
乞取閒身去共倚湖亭醉碧荷

題廬山楊宗卿思永樓

危樓百尺倚匡廬西蜀衣冠幾世居對客每傾桑落酒傳
家猶有草玄書天寒倚柱招黃鶴日莫憑闌數白魚萬里
岷峨歸未得亂雲飛處正愁予

新蝶

杏樹生香蠹化成向人飛下不勝情寒辭薄翅猶粘粉暖
溢柔鬢始弄晴燕舞盤中嫌露重鷺歌扇底避風輕春閨
未解南華夢乞與滕王為寫生

月舫為袁鍊師賦

老龍吹浪滿江湖雪兔西飛碧落孤太乙方乘蓮一葉葉
仙還倚樹三珠開窓白露沾瓊佩對酒寒光射玉壺萬頃
秋波看不盡却携靈藥上玄都

送成誼叔應奉分院上京并呈謝敬德學士

太平天子重時巡首詔詞林擢侍臣書載駝車隨劍珮射
從熊館代絲綸片雲忽送麻姑雨五月方開芍藥春想得
班揚才最贍龍山立馬賦詩頻

東呂仲實左丞

十五年前舊供奉一官留滯越王城不因左轄輸公道誰
向南州進老生史學是非從筆削人才輕重在權衡甘泉
奏對歸來晚猶草封章獻治平

送趙國瑞舍人赴澤州同知

太行雲起亂山青馬上風吹別酒醒試論文章惟晉國還
思典禮在虞廷賣刀民化耕春雨佐印官清戴曉星回首
晴霄十萬里大鵬終見徙南溟

送明原道赴南豐判官

日華西轉萬年枝記得甘泉奏賦歸佩馬新迎州倅節緋
魚舊賜從臣衣詩成江驛梅花瘦酒醒山城蕨菜肥為謝

南豐舊詩友白鷗春夢統苔磯

送江西傅與礪赴廣州教授

買得吳船便欲東更騎羸馬別諸公文聲久許江西盛詩
律因歸海外工人羨義陽封介子客從秦時薦楊雄五羊
城下南風起茉莉花香荔子紅

彭叔輿赴尼山書院長

少年才學動儀曹旋賜朝衣換鵠袍萬水東歸滄海闊千
厓北拱岱山高杏花壇近蒸紅雪楷木林深漲碧濤珍重
此行多令譽古來齊魯出英豪

寄郡士陶公美

問君生事竟何如亂石溪邊小卜居止酒久知揮白墮論

詩今喜到黃初天寒門外數株柳歲晚山中一束書賴得
西庄頗相近蒼頭時遣寄雙魚
天寒落葉滿庭皋此夕思君正鬱陶百里青山來款段一
庭明月舞豪曹賈生未遇才因大王粲雖窮氣自高何事
相逢又相別且燒紅蠟醉春醪

輓侯敬文秀才

客裏青燈二十年手書細字動成編扁舟觸熱方辭館孤
劍橫秋已夢仙山下數椽仍舊屋溪南半頃足新田可憐
鉅鹿侯芭去誰與揚雄論太玄

采石和劉顯仁即事韻

下水春生已蜀雪上江人駕武昌船晚風天外三弄笛落

日淮南一簇烟斷岫淺莎行獨鶴危磯倒樹立雙鳶綵霞
又報明朝霽瑟瑟紅光萬縷懸

徐州

白雲天際散如衣四面青山落水涯鑿石空遺唐將廟連
峰猶監漢臣旗魚龍浪挾黃樓動牛斗星隨碧漢垂醉倚
船窓問河伯濁流何日是清時

冠州

萬里關山鬢易華冠州橋下御河斜千門烟冷分榆火三
月春寒見杏花新水聚船人趁市順風吹旆客還家莫憐
書劍頻漂泊擬學東陵老種瓜

送汪生還江南

漕河水泮水溶、百尺帆開五兩風戲綵歸人從海上倚
門慈母問遼東漁曾荻笋灣、綠酒旆桃花處、紅莫向
江南久留滯龍山還有北來鴻

送賈舍人赴廣東宣慰司照磨

五月南風起舳艫番禺曾是趙王居貔貅萬竈新趨幕虎
豹千門舊直廬茉莉編籬香旖旎萋藤接屋影扶疎故人
畫諾如流水報政還應得最書

代祀還呈太師

丞相傳宣出紫宸鶯花萬里浙江春捷書近已擒豺虎瑞
紀還先慶鳳麟宇宙經綸歸聖主山河帶礪屬元臣幾迴
凝睇雲霄上夜、三台拱北辰

年來供奉屢遷官聖主恩同宇宙寬左部正慚疏吏擯西
曹仍許進儒冠清時有道遭逢易白髮無才補報難却上
船頭望江月天風吹露不勝寒

新州寄馮養素月彥明二都水丞

天子時巡猶北駐詞臣將命許南行遠聞都水來新濟到
說分司在鄆城玉節遙知連海潤金函近見報河清丈夫
莫為離愁惜要把文章佐太平

朱仲文編脩還江西諸公分題賦詩為餞予遣同
載南歸約至揚子橋分別因為賦此

瓜州渡口山如浪揚子橋頭水似雲夾岬夫蕖紅旖旎滿
汀楊柳綠紛紜一杯酒向今朝別萬里船從此處分他日

重來須艤棹莫教驚散白鷗群

邳州和劉顯臣韵

吳船蕩漾一毫輕楚客飄零萬里情驟雨挾雲行斷岼亂
山湧浪入孤城黃河風起鷗無侶紫塞春深鴈有程莫怪
仲宣多感慨朝來白髮鏡中生

晚泊邳州

一帶黃河百折灣下邳城外更潺湲烟迷兩岼疑無地日
落中原喜有山法重鹽租嚴犯界官多魚稅倍征關白頭
父老相逢處猶似圮橋授履還

彭城懷古

戲馬臺前擁旆旌三齊纜破到彭城項王帳底猶虞舜漢

祖軍中盡楚聲百二山河功自棄八千弟子勢都傾月明
閒卻烏江渡長使英雄恨不平

崔鎮喜邵少監至

使君五月渡黃河白髮依然壯志多且喜掛帆來舊約何
妨醜酒起高歌船頭北斗五更落柁尾南風連夜過自笑
驅馳成底事漪湖閒却釣魚蓑

高郵夜泊

薄暮秦郵聚客船孤城三面接水田戍樓月映高低雪漁
市星搖上下天千里綠蕪分曙色萬家紅粟起炊烟南風
忽乞舟人便幅、蒲帆盡北懸

揚州別幹克莊僉憲

紅日東生綠霧收海風吹客到揚州露分仙掌金盤冷香
動瓊花玉樹秋使者乘驄開大府仙人騎鶴醉高樓朝來
別我垂楊岫珂佩如雲簇水頭

婁家港祠神回寄元臣僉憲子約監郡

函香海上祠神罷獨駕樓船夜半迴萬里長風催掛席一
天明月阻登臺綉衣人仰邦侯至玉節官分水部來只尺
相望不相見白蘋洲渚重裴回

江陰君山次陸子方韻

畫橋垂柳傍官壕夾岫青山擁雪濤楚相丘墟遺石馬楚
王宮殿壓金鰲天迷鴻鴈江流闊風撼魚龍海氣高此日
登臨無限意古今消盡幾英豪

輓汪尚書妻譙國夫人

尚書謝政江南去特許夫人大國封春日上堂尊酒共歲
時環坐綵衣重離鸞忽奏雲中瑟別鶴還歸隴上松白髮
夫君正愁絕空江何處採夫容

輓王君佐秀才

十里青山宅一區平生甘分隱樵漁新詩自寫應求序故
篋常隨為教書杖屨在門人去遠壺觴掛壁客來疏白雲
湍地松陰冷孤鶴時時守墓廬

和楊德章監憲詠物詩

仙子初裁蜀錦裳玉壺清映內家粧一百五日花尚好三
十六宮春正長新綠漸生應帶露舊紅微褪為經霜自從

深院留題後一任東風上下狂
右瓶中百日海棠
仙標厭入錦雲鄉却傲冰霜取次芳
銀燭高烧遊太液紫
綿初拂侍明光春挽杏蒂微生暈
暖漏梅梢欲試粧不是
東君偏耐冷要將風韻入詩囊
右冬日海棠

送蜀士史道章訪蕃昌張縣尹

上江船裏枕書看雪浪千堆寄一翰
太白山人元蜀學蕃
昌縣令只儒冠渚花對酒公庭晚
沙草憐衣客路寒攜得
琅玕滿歸袖謝公臺在碧雲端

送赴試春官

水落沙痕寄岬齊冬深無雪暮生泥
遙知上馬徐州北且
看開船向水西待詔門開金駟裏
榮恩燕賜玉偏提若將

文字追時好萬里雲霄自有梯

送內官棄職買書歸蜀立三賢祠

內官買書三十萬從此聲名天下知
正為身輕歸印早不
妨船重到家遲客非杜甫依嚴日
人是文翁化蜀時愧我
無由能載酒敲門頻問子雲奇

輓陳公輔縣尹

短衣垂脛寄遺孤自立聲名重里閭
座上鼎彝前代器筐
中經史外家書縣花春老初封印
庭藥秋慵久廢耒惆悵
水壺清絕處露寒應是泣蟾蜍

峨眉山

霧作衣裳雲作屏玻璃萬頃著娉婷
望夫石上偏多雨織

女河邊欲墮星蟬煉夏涼收淺絳蟾蜍秋冷抹長青可憐
天際微顰處六代興亡一夢醒

詠姚氏瑞蓮

雨洗瑤池六月涼侍兒初試錦雲囊花開雙鳳迷歌扇子
綴群蜂背窰房波淨忽成溪女匹露寒却笑月娥孀合歡
帳底鴛鴦夢臂枕猶聯玉雪香

題丁元善鍊師陽明樓

賀老家西百尺樓好山多處稱仙遊丹光散作霞千縷劍
氣吹成月一鉤窗外鶴歸遼海暮袖中龍起鑑湖秋道人
久直黃金殿可使歸來雪滿頭

謝季衡上人惠松花湯餅

雲門寺裏青松樹五月南風花正香膜粉輕披魚子白藥
珠重綴窰脾黃餅和甘露曾分送湯合仙霞更共嘗慚愧
老僧多意氣一杯毛骨盡清涼

送國子掌儀魏居仁還山東

京國相逢二十年當時綠髮盡華顛升堂獻贄吾居後立
館司儀子在先夜雨溪聲連客枕夕陽山色滿歸舩古來
齊魯多奇士側耳聲名起日邊

贈淵上人住涇縣延壽寺

半生辛苦住城西脩竹滿園蔬滿畦正愛閒雲依疊嶂忽
隨流水度三溪藤花院靜禪初定榭葉村深路欲迷此去
莫憐知己少青山到處好留題

登會稽寶林寺塔

百尺浮圖東海上晴天目力見秋毫莫愁風露衣裳薄且
喜雲霄步武高屋角長松來鶴背城頭荒草落鴻毛闌干
倚遍心猶壯更待持杯酌雪濤

送山陰賈縣尹

公吏呼籌催坐衙朝、下馬事如麻三年作官惟飲水萬
里還朝先過家賈傅席前因獻策潘郎縣裏只栽花江船
明日西興渡兩岸青山白鴈斜

和王繼學憲使玉泉觀魚韻

一方寒玉浸冷、天上雲開影倒青卓錫黃龍曾聽法撫
闌頽鯉亦通靈明珠碎逐涼風散濕翠空圍月露零此日

使君行樂處一時民俗自清寧

陪僕少監海脩撰飲西湖

十年不到西湖上此日重來意倍親尊酒暫陪天上使畫
船猶待水邊人題詩香漬菱花舊度曲聲傳玉樹新歸醉
小樓明月曙開元鐘鼓正朝真

送外兄李學父

鶉鳩涼雨睡偏宜正是敲門下馬時萬里風塵從戍早十
年江海到家遲書持使節真行錦春上萊衣欲繡絲且買
樓船醉雙玉紅蓮白藕滿西池

送醫士張景遠歸太平之黃池

秋塘雨白水平堤有客撐船繫屋西司馬賦多方病渴葛

洪丹熟尚封泥滿階花落惟金鳳開戶香來是木犀昨夜
月明天似水櫓聲不覺過龍谿

劉山驛

開窓坐看千峰頂對酒還思萬里程飛雨遠隨松子落濕
雲近向樹頭生正愁絕壁鳥鳶背忽聽半空鷄犬聲安得
身騎遼海鶴徧遊八極醉吹笙

出大橫道中

朝來數騎嶺頭過忽見青山障白波候吏報來先擊鼓
鮮船至盡吹螺南邊治久烟塵少天上恩深雨露多料得
祝釐還報日春風楊柳滿官河

武夷道中

蒼龍飛起崖中断九曲溪流直上天駕壑舟船遺故物幔
亭簫管會真仙大王巖上雲初散玉女門前月正圓醉裡
擢歌聲未已忽看孤鶴下翩

贈漳南巡檢許以衷

將軍早獻安邊策手挽強弓起七閩正為功名輕萬里已
知勇畧冠千人風鳴鼓角山村曉日射旌旗海戍春匹馬
何時渡江水笑談為國掃妖氛

懷安縣別莊嘉監憲

荔支食罷龍眼熟此日閩南使者過得俸莫嫌三月少買
舟已覺一時多盟鷗狎舞迎歸擢別騎驕嘶動佩珂酒醒
青天明月上思君迢遞奈愁何

建寧得宣州家書

江上千戈猶未息此身何處可偷安
居民戰死終無援主將逃生竟被殘
已報老妻來太末尚憐孤姪寄長干
扁舟十日閩溪上恨不身生兩羽翰

題樂逸軒

山下長溪、上村溪山如畫
正當門遣懷詩就題蕉葉
理釣船歸繫柳根問姓不教通
郡縣買書只許遺兒孫相望
只是柴桑里何日從君酒一尊

題宋仁甫樂山亭

當陽城外碧嵯峨獨構危亭意若何
嵐氣漸來簷角少水聲偏向石稜多
青雲鶴慣荊州舞白雪人傳郢上歌
何事

近來真得趣新松十萬在巖阿

建德城西寺

山門東轉步廊深長日禪房占綠陰
松迳雨晴添虎跡竹潭風冷聽龍吟
上林久說相如賦故里徒誇季子金
獨坐胡床看明月不知涼露濕衣襟

蘭溪胡仁中家喜雨

赤日行空勢似焚老龍一起雨翻盆
芙蓉趁水紅侵岼穠穉盈疇綠繞門
自是風雲當盛會從知天地有深恩
朝來熟睡南窓醒却憶樂陽從至尊

龍公夜捲天河水散作虛空風雨聲
豈獨榮華霑潤澤要令枯槁遂生成
藥欄雙蝶凌晨舞草岼群蛙徹夜鳴
造化

功神竟無迹披衣默坐前榮

江山縣

萬山深處開孤縣下馬入門風滿庭
雨脚遠垂松澗白雲陰低覆稻田青
已知賣劍人歸野還憶彈琴客在亭
安得寰區皆卓魯最書時復報虞廷

台州留別林希元

三年直閣常懷土萬里乘槎許問津
滄海日華中夜曉赤城霞氣四時春
謝公高卧元非隱陶令歸來豈為貧
白髮清心自多壽更從何處覓仙人

贈天台李鍊師

翠蛟青鳳下晴空家住天台第幾重
歲久松肪成琥珀夜

深丹氣出芙蓉仙童奏簡騎文虎
太乙懸旗起絳龍昨夜從師到天上
故山還著白雲封

題天台方氏山亭

赤城霞氣燭天起四面窓開碧樹涼
山鳥晝啼深竹裏溪魚晚近落花旁
茯苓酒共仙人飲蛤蜊盤分野老嘗
何日投簪東海去秋風同制芟荷香

過鴈山

王事驅馳敢厭勞秋風白髮氣猶豪
八千餘里行正遠四十九盤山更高
石壁連雲愁鳥道海門飛雪壯鯨濤
同遊賴有孫公子時遣新詩浣鬱陶

建寧道中

雙玉山前溪水流朝來風雨暗灘頭舟穿亂石方停棹驛
傍空巖更近樓江海十年飛野鶴乾坤萬里蕩沙鷗七閩
見說多凋弊莫為尊鱸動客愁

延平

樓閣近依山上下市橋橫接岫東西四時雲氣浮孤堞萬
壑泉流會一溪道學已同濂洛盛劍光猶與斗牛齊延平
祠下歸來晚獨對寒燈待曉鷄

蒜嶺道中

溪雲帖雨沉頓覺新寒薄莫侵待渡人歸榕葉岫過
山驛候荔支林清游暫作還鄉客白髮難忘報國心莫嘆
行囊輕似羽一錢元自重千金

泉州驛別太守僕世玉

老夫欲起猶便睡候吏頻催却治行萬里烟雲隨驥足五
更風雨雜鷄聲乾坤笑我應無補江海逢君倍有情且解
金魚沽別酒洛陽橋下正潮平

賦韶州王太守養老園

手種滿園桃李樹東風披拂爛如霞歌催金縷停鳩杖酒
注銀瓶載鹿車白日青春閒衛戟碧溪流水護仙家使君
自是吹簫侶不記菖蒲幾度華

漳州

漳南五縣半溪洞狂獠恃險時縱橫巨蛇吞豕出當道猛
虎搏人行近城如何百年漸禮化尚爾兩度煩天兵頑愚

無知固可悼承宣亦合思廉平

玉泉為宜春黃子中賦

銀河迸落青天上盡作山中風雨聲溪岍碧桃千歲在石
田瑤草四時生雲流空洞潛蛟舞月涌潺湲睡鶴驚幾度
秋高環珮冷瓊仙吹笛過蓬瀛

風淫舟中

白髮飄蕭寄短蓬春深盃酒憶曾同落花洲渚鷗迎雨芳
草池塘燕避風烽火此時連海上音書何日到山中故人
別後遙相望夜、空隨斗柄東

送汪仲恭往千山

白月團、星斗稀夜深船去疾如飛聲傳海角來鴻鴈光

涌潮頭出貝璣歲晚正當還漢節天寒誰為寄蘇衣夫容
絕頂鏡天祿何日相從跨鶴歸

和千山孫元實韻

霜落梧桐葉上銀秋來白髮似相親詩工不讓唐人律政
拙空慚漢吏循誰謂度遼能下士自因逢掖學驚人吳松
江上夫容老還倚南山佩可紉

和潘叔寬所寄詩韻

一笑行藏似賁須誰知白髮事皆殊蒼龍欲化平津劍老
蚌應還合浦珠蔡女書傳猶四百山公學在未全孤秋來
江海非無志奈此兵塵滿道途

風雨吳江秋漸過別來身世轉蹉跎滿階金鳳落將少傍

水樹鷄生尚多且對清尊歌慷慨莫嫌白髮舞婆娑欲將
功業標銅柱誰是當年馬伏波

感春

會稽東望隔兵塵消息傳來總不真楊柳傍人青眼舊梅
花笑我白頭新一愁風雨三更夢萬里乾坤二月春寂寞
心期誰會得獨支筇竹立江濱

吳景文居庭牡丹盛開飲後有感

韶光天遣屬君家猶是東京第一花金鼎夜寒團絳雪錦
機春暖簇紅霞倚風忽作纏頭舞避日還將便面遮薄莫
闌干同醉倚却憐孤客鬢先華

題朱教授送行詩卷

至正十八年冬余自省府退歸西湖之上郡博
士朱君斗瑞來謁出示京師送行詩一卷讀之
則揭學士夔丞旨吳大宗師王尚書沂潘司業
迪陳監丞旅胡應奉助劉博士聞馮助教三奇
凡九人去今纔二十年皆已凋謝無存者為之
撫卷嘆息因係之詩曰

中朝諸老凋零盡一讀遺詩感慨多萬里還家猶俎豆十
年為客尚干戈秋風東海雲帆舉春水西湖畫舫過此去
太平應有象杏花深處聽絃歌

用謝元功韵贈劉生庸道還錢唐

綠陰門巷燕遲歸白日看書見客稀自是病多便野服豈

因性僻解朝衣諸生載酒臨滄海獨子開船背落暉有約
重来莫相遠好將編簡究精微

送方舟上人住靈鷲

靈鷲之山出東海小朶飛來不記年佛國夜光珠作闕龍
宮春冷玉為泉浮雲不礙游人履流水還隨釣客船試問
禪師去何處夜來騎虎上西天

巴陵女子韓希孟貞節

尚書子婦魏王孫清白傳家節更文諸將已指南渡至孤
身猶抗北來軍血書夜洒巴陵月烈氣秋橫鄂渚雲欲弔
忠魂無覓處唯應瑤席從湘君

寄謝丞相康里公

海雲飛盡天如水夜々遙瞻北斗高正愧無才叨末座忽
聞有命轉東曹鵬搏已借扶搖力鯨背終成餉運勞白髮
儒生何以報唯應執筆從夔臯

送胡孟然還錢唐并東周伯溫程以文宇文子貞

老夫移家東海上愛子相從又一春官為閒多知性僻客
因住久見情親諫章行曳尚書履漉酒誰同處士巾此去
故人如問訊一樣將泛越江津

送有亨姪還錢唐

嗣宗諸姪仲容賢客路飄零雪滿顛曾為頌椒留子美却
思戲蠟愛僧虔十年江海三杯酒百里溪山一釣船何日
兵戈得休息敬亭春雨共歸田

錢唐壯觀天下奇昔日繁華曾見之夜月管絃唯鼓角春
風羅綺盡旌旗湖山謾想遊人樂城郭徒增志士悲今日
別離東海上一瓢村酒鬢如絲

題劉生庸道竹林書室圖

劉生讀書竹林下滿耳金石聲琅琅翠陰碎落日當戶緜
帙亂翻風滿床中夜蛟龍神變化清時鸞鳳瑞文章此君
標致誰能寫一幅雲烟墨數行

送朱道夫赴廣西巡檢

將軍慷慨出幽燕又佩刀弓過海邊桂嶺秋回南去鴈潯
江夜泊北來船正憐主印官無事更喜迎親祿有田萬里
若逢天上使好將詩句寄蠻牋

題蘆花被圖

秋深江上白蒙茸野客分來一色同酒醒孤蓬卧明月帳
寒老屋不禁風羽毛乍聚搏空鶴蹤跡真成踏雪鴻夜半
何人吹鐵笛夢魂疑在楚江東

次韵李清叔元夕

絳燭燒烟散滿城九衢車馬似潮聲山河影轉琉璃薄陸
海光浮菡萏平蝶睡誤翻歌扇暖鵲驚疑報畫檐晴夜闌
人靜天如水依舊殘星數點明

送臺典張子誠辟山北憲史

芙蓉幙府清如水愛子新來意氣多天近烏臺依執法風
清黃閣聽鳴珂燕山北望千峰盡遼海東迴一騎過刀筆

曾為漢丞相起家應不愧蕭何

貢禮部玩齋集卷之四終

死緒戊子湖州陸
心源捐送國子監
之書置藏南學

程